

**Naalakkersuinikkut Ataqtigiissaarisooqatigiinni ulloq 12. oktober 2016-imi nal. 15.00 - 18.00
Hotel Hans Egedemi ataatsimiinnermi imaqarniliaq.**

Naalakkersuisuniit peqataasut:

Naalakkersuisut Siulitaasuat, Kim Kielsen
Aningaasaqarnermut Aatsitassanullu Naalakkersuisoq, Randi Vestergaard Evaldsen
Ineqarnermut, Sanaartornermut Attaveqarnermullu Naalakkersuisoq Knud Kristiansen:
Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq, Vittus
Qujaukitsaq
Aalisarnermut, Piniarnermut Nunalerinermullu Naalakkersuisoq, Nikolaj Jeremiassen
Ilaqutariinnermut, Naligiissitaanermut Isumaginninnermullu Naalakkersuisoq, Martha Lund Olsen
Peqqissutsimut Naalakkersuisoq, Doris Jakobsen, takkunniarnani nalunaarpoq.
Ilinniartitaanermut, Kultureqarnermut, Ilisimatusarnermut Ilageeqqarnermullu Naalakkersuisoq, Nivi Olsen
Pinngortitamut, Avatangiisinut Inatsisinullu Atuutsitsinermit Naalakkersuisoq, Mala Høy Kúko

Kommuninit KANUKOKA-miillu peqataasut:

Kommune Kujallermi borgmester Jørgen Wæver Johansen
Kommuneqarfik Sermersuumi borgmester Asii Chemnitz Narup
Qeqqata Kommuniani borgmester sinnerlugu, Gedion Lyberth
Qaasuitsup Kommuniani borgmester Ole Dorph
KANUKOKA-p siulittaasua, Simon Simonsen

Allaffeqarfimmit peqataasut:

Naalakkersuisoqarfiup pisortaa Nikolai S. Christensen
Naalakkersuisoqarfiup pisortaa Jørn Skov Nielsen
Naalakkersuisoqarfiup pisortaa Julie Præst Wilche
Naalakkersuisoqarfiup pisortaa Jørgen Isak Olsen
Naalakkersuisoqarfiup pisortaa Lone Nukaaraq Møller
Naalakkersuisoqarfiup pisortaa Michael Kristensen
Siunnersortaaneq Peter Hansen, imaqarniliortoq.
Immikkoortortaqarfiup pisortaa Martha Abelsen
Allaffiup pisortaa Marianne Petersen, imaqarniliortoq
AC-fuldmægtig Ole Christiansen
Immikkoortortaqarfiup pisortaa Ruth Lindhardt
Immikkoortortaqarfiup pisortaa Kirsten Fencker
Overassistent Nuka Bjørn Heilmann

Kommunip pisortaanera Frank Hedegaard Jørgensen
Kommune Kujallermi Teknikimut Avatangiisinullu Pisortaq Kenneth Høeg
Kommune Kujallermi siunnersortit pisortaat Mikael Mikkelsen
Pisortaaneeq Steffen U. Lyng
Kommunaldirektørip tullersortaa Laust Løgstrup
Kommunaldirektør Hans Eriksen
KANUKOKA-mi direktøriugallartoq Klaus Møller

Taaseqataasinnaanatik peqataasut:
Jonathan Jakobsen, KANUNUPE.

Oqaluuserisassat:

- 1. Oqaluuserisassat kingullermillu ataatsimiinnermit imaqarniliap akuersissutigineqarnerat**

Oqaluuserisassat imaqarniiallu iluarsillugu akuerineqarnissaat Naalackersuinikkut Ataqtigiissaarisooqatigiit aalajangiuppaat, Asii C. Narupip imm. 2.3-mut issuarneqarnermi iluarsineqarnissaa kissaatigimmagu ima: Kommuneqarfik Sermersuup pissaanillit pingasunut avinneqarnerat ataqqivaa tamatumalu kingunerisaa-nik..... Naalackersuisut akisussaaffiat.

2.1. Suliffeqarfinnik nuussinisaq suleqatigiissitanillu pilersitsinisaq pillugit suliassarititassanut missingiutip akuerineqarnera (NSN, AN)

Suliassarititaasut akuerineqarnissaat suleqatigiissitanillu pilersitsinisaq Naalackersuinikkut Ataqtigiissaa-risooqatigiit akueraat. Kommuneqarfik Sermersuumit juunimi ataatsimiinnermi oqaaseqaatigineqartut atuu-tsiinnarneqarput.

2.1.1. Naligiimmik siunissaqarneq (KANUKOKA)

Imm. 2.1 innersuussutigalugu immikkoortoq eqqartoqqinneqanngilaq.

3.1. Qaasuitsup Kommuniata avinneqarnissaanik suliaqarneq pillugu UKA 2016-imi ilisimatitsineq (NSN)

Naalackersuinikkut Ataqtigiissaarisooqatigiit ilisimatitsissut tusaatissatut tiguaat.

3.2. Atuarfimmut tunngasuni inuusuttunillu sullissinermi siuariartornerup killiffia (IKINN)

Naalackersuinikkut Ataqtigiissaarisooqatigiit ilisimatitsissut tusaatissatut tiguaat.

Atuarfeqarnermut tunngasunik aaqqissuusseqqinnissamut pilersaarutit kommuninit tusarusunneqarput isumaqartoqarlunilu EU-mit piunasaqaatit naammassineqarsimatinnagit kommunit pillarneqarnissaat aaqqiissutissaanngitsoq, tassami Naalackersuisut tassaammata inatsisit aqputigalugit ilinniartitsisutut ilinniartitaanermut, atuarfiit ineriartornerannut tunngavissisut taamaattumillu imminnut qiviartariaqartut. Kommuninik pillaasarluni taamatut aaqqiinermut kommunit peqataarusunngillat.

Pillaanartut isigineqassanngitsoq Nivi Olsen oqarpoq, allatut qanoq iliortoqarsinnaanerata eqqartorneqar-nissaa naalackersuisooqarfimmit kissaatigineqarsimavoq, ukiorpaalunngortuni kommunit oqaloqatigineqar-tarsimapput. EU-mit 9 mio. kr.-it annaaneqarsimammata suut kingunerisinnaaneraat Naalackersuisooqarfimmi eqqartorneqarsimavoq, suminggaanniit pissarsiarineqassappat? Kommunit piunasaqaatinik naammassin-nissimannngimmata maanna 2016-imi 9 mio. kr.-it annaaneqarsimanerat allatut isikkoqarpoq, angusat pi-tsaanerupput. Siunissaq eqqarsaatigalugu aaqqiissutissamik nassaartoqartariaqarpoq, suli aalajangiisooqan-ngilaq. Aammattaaq isumaqarpoq pitsaanerusumik oqaloqatigiittoqarsinnaasoq. Ilinniartitaanermut pilersaa-rummik suliaqarnermi KANUKOKA peqataasimavoq kommunillu ilanngunneqarnissaat kissaatigaa.

Susassaqaartut atorsaasunik aaqqiissutissarsiniarlutik naapeqatigiinnissaat Kim Kielsenip kaammattuutigaa.

3.3. Meeqqanut atugarliortunut suliniuteqarnerup killiffia

3.3.1. Meeqqat inuusuttullu qulaajaaffiginarlugit suliassaqaarfiit akornanni suleqatigiinnerup killiffia

Naalackersuinikkut Ataqtigiissaarisooqatigiit ilisimatitsissut tusaatissatut tiguaat.

Suliassarititat suliarineqarnerisa killiffiat Asii C. Narupip apeqqutigaa, unittoorsimarpasimmat, qaqugu aallar-teqqissava sulineq qilanaarineqarmat. Tamatuma saniatigut Kommune Kujalliup isumaginninnermut tunnga-sutigut ikiorneqarnissaata naammassinissaa kommunip qilanaaraa, naalackersuisooqarfiullu Kommune Kujal-leq naammassippagu ikiorserneqarnissaaq kommunimit qilanaarineqarpoq.

Kommunit ilinniartitaanermullu naalackersuisooqarfiup nalunaarusiaasa pissarsiarineqarnissaat kissaatiginar-toq Martha L. Olsen oqarpoq. Kommune Kujalleq pillugu sapaatip akunnerata tulliani nutaarsiasaqaassaaq, oqaloqatigiittoqalereerpoq.

Ajornartorsiutit KK-mit eqqumaffigineqartorujussuupput kommunillu suli iliuuseqarnerusimannginnerat equ-miigineqarpoq. Immaqa kommunini tamani ilaqutariit qulit ikiorserneqartariaqartut toqqarneqarsinnaagaluar-put suliniutillu taakkununga atorlugit, tamanna piffissaq taanna ajornartorsiutit tamarmik aaqqinneqarsin-naanngimmata kommuninut kaammattuutigineqarpoq.

Kommunit naapikulaarnerunissaat Ole Dorph-ip kaammattuutigaa, immaqqa qaammatit pingasukkaarlugit ataatsimut unammilligassat eqqartorlugit misilittakkanilu avitseqatigiilluni.

3.3.2. FN-ip meeqqat pisinnaatitaaffii pillugit isumaqatigiissutaata ilanngunneqarnerata kingunerinik KORA-p misissueqqissaarnera (ININ)

Naalackersuinikkut Ataqatigiissaarisoqatigiit ilisimatitsissut tusaatissatut tiguaat.

Kalaallisut nutserneqarnerata qaqugu piareerneqarnissaa Asii C. Narupip apeqqutigaa. Sap.ak. matumani naammassissangatinneqartoq akineqarpoq.

3.4. 2019-imit naligiissaarinermik aqqiissuussinissap nutaap, 2017-imut ataatsimoortumik tapiissutit pillugit isumaqatigiissutip, tassunga ilanngullugu ilaatigut sanaartornermut tunngasuni suliassanik nuussinerup il.il. killiffii (AN, ISAN, APNN aamma KANUKOKA)

Naalackersuinikkut Ataqatigiissaarisoqatigiit immikkoortumut ilisimatitsissut tusaatissatut tiguaat oqaaseqartoqalaarlunilu. Simon Simonsenip eqqaavaa ippassaaniummat Randi V. Evaldsen ataatsimeeqatigisimallugu. Ataatsimoortumik tapiissutit 8 mio. kr.-inik ikilisinneqarnissaat akuerineqarsinnaanngilaq. Inassuteqaat siulleq ippassaq ataatsimiissutigisimavaat taamatullu isikkoqartillugu atsiortoqassanngilaq. Inassuteqaatinik nutaanik tigusaqarsimapput siulersuisuni suli eqqartorneqanngitsunik. Taamaattumik suli akissuteqarsinnaanngillat. 8 mio. kr.-inik sipaaruteqartoqarnissaa akerleraat. Aammattaaq Inatsisartuni eqqartorneqartariaqarpoq, kommunit akerliunerisa tusaaniarneqarnissaat kissaataavoq.

Randi V. Evaldsen akivoq sipaarutissatut siunnersuutissatut naatsorsuutigineqartut kommunit akornanni agguataarneqassasut, taanna isumaqarpoq sipaaruteqartoqarnissaa ajuusaarnartoq pisariaqarlunili. Oqimaqatigiissumik angusaqartoqartariaqarpoq. 2016-imi isertitat naatsorsuutigisamit qaffasinnerupput. 8 mio. kr.-it taakku aningaasarpassuupput, kommunilli missingersuutai qiviaraanni 0,6 procentit pineqarput??

Asii C. Narup oqarpoq 2010-mi Kommuninit 10 mio. kr.-inik tiguisoqarmat paasitinneqarsimallutik piviusunngortinneqassasut, taamaallunilu sipaartoqarniassamat, kommunilli namminneq sipaaruteqartariaqarput. Marloraammik allaffissorneq unitsinneqartariaqarpoq. Tamatumunnga aningaasanik atuisoqarpallaarpoq. Kommune ataatsimoortumik tapiissutit pillugit isumaqatigiinniarnernut tunngatillugu peqataanissamik ilisimatinneqarnissamilluunniit naatsorsuuteqarsimavoq, kommune innuttaasut akilerartartut amerlanersaannik inoqarmat. Simon Simonsenip tamanna tusaatissatut tiguaa. Kommunit tamarmik sipaarniarput sulisullu ikilisinneqarsimapput. Isumaqatigiittoqarsinnaanissaa kissaatigineqarpoq.

Kim Kielsen oqarpoq naalackersuisoqarfii tamarmik sipaaqquneqarsimasut tamannalu malinneqarsimavoq. Aammattaaq siunnersortinut aningaasartuutit misissorneqarsimapput, atorfiit arlallit inoqanngillat tamannalu ingerlaqqissagunarpoq. Aningaasaqarnermut Naalackersuisup kommunillu isumaqatigiinnissaat kissaatigineqarpoq.

Jørgen W. Johansen aperaaq sanaartornermut aningaasaliissutit (Nunaqarfinnut isorliunerusunullu inissialiornissamat nuussinissamat pilersaarut) kommuninut nuunneqarpata allaffissornermut aningaasartuutit aamma ilaatinneqassasut, tassami tamatumani aamma aningaasartuuterpassuaqarmat. Aap, aningaasaliissutinut ilaapput (Kisitsisit 1.000 kr.-nngorlugit ima amerlatigipput Kommune Kujallermut 4.559, Kommuneqarfik Sermersuumut 5.537, Qeqqata Kommunianut 4.976, Qaasuitsup Kommunianut 10.228, tassa 2017-imut.

Simon Simonsen Nikolaj Jeremiassenip suliassanik nuussinissaq pillugu saqqummiussinera pillugu oqarpoq paasinartoq, ullumikkut qinnuteqartitsisarneq pisariuallaarujussuarmat pisariinnerusunngortinneqarsinnaallunilu. Sullissineq oqilisaassiffiginarlugu sulissuteqartoqarsinnaava. Akissut. Naalackersuisut tamanna sulissutigaat.

3.5. Ineqarnermut tunngasuni suliniutit killiffii (AN, ISAN)

Naalackersuinikkut Ataqaatigiissaarisoaqatigiit ilisimatitsissut tusaatissatut tiguaat, tamatuma saniatigut Jørgen W. Johansen oqarpoq Kommune Kujallermi Nanortalik nersualaarneqarsimasoq nersualaarneqartariaqarlu-nilu. Kim Kielsen oqarpoq Nanortalimmut immikkoortumut pilersaarutinik suliaqarneq ingerlassasoq.

4. **Allakkatigut ilisimatitseqatigiinneq.**
- 4.1. **Nuna tamakkerlugu pilersaarut pillugu nalunaarusiamik 2017-imoortumik piareersaaneq (AN)**
- 4.2. **Aaqqissuusseqqinnerit, 2017-imut Aningaasanut Inatsisip pitsaanerumumillu aningaasaqarnikkut aqutsinerup killiffii (AN)**
- 4.3. **IBA pillugu isumaqatiginninniarnert killiffiat (Inuusutissarsiorneq)**
- 4.4. **KANUKOKA-p siunissami aaqqissuunneqarnissaa pillugu ilisimatitsineq (KANUKOKA)**
- 4.5. **Naalackersuisut kommunillu 2017-imi ataatsimut ingerlatassaannut qaammatisiutini piffissa-liussat (NSN)**
- 4.6. **Angallannermut tunngasuni kiffartuunneqarnissamik isumaqatigiissutit (KANUKOKA)**
- 4.7. **Kommuneqarfik Sermersuumi borgmesterip aamma Peqqissutsimut Naalackersuisup akor-nanni peqqissutsimut tunngasuni isumaqatigiissut (KANUKOKA)**
- 4.8. **Tunngaviummik paasissutissanut program pillugu ilisimatitsineq (AN)**

Allakkatigut ilisimatitseqatigiinnerit Naalackersuinikkut Ataqaatigiissaarisoaqatigiit tusaatissatut tiguaat oqaaseqaateqartoqaalupporlu.

Imm. 4.3-mut Vittus Qujaukitsup kissaatigaa Qeqqata Kommunua London Mining-imik suleqateqarnissaq pillugu isumaqatigiissummik atsiornissamut kaammattorneqassasoq.

Asii C. Narup imm. 4.3-mut apeqqut, Hudsons Resources A/S, naalackersuisoqarfimmit, Europæiske investeringsbank-imit taarsigassarsisinaanerat qaqugu naalackersuisoqarfiup ingerlatseqatigiiffiit taama ittut tapersersulissavai. Akissut. Piumasaqaateqartoqarpat.

Aatsitassanut tunngasuni pilersaarutit kommuniminnut attuumassuteqartut pillugit erseqqissaaffigineqarnissaq paasissutissiiffigineqarnissarlu Qeqqata Kommuniata Kommuneqarfiullu kissaatigaa. Vittus Qujaukitsup oqaatigaa pilersaarut allannguuteqanngitsaq piginnittut kisimik, kiisalu naalackersuisoqarfimmit kommunit akissuteqarfigineqarsimasut, ilanngullugu eqqaavaa Europæiske investeringbank-ip aamma Nordisk Investeringsbank-ip aningaasaleeqataasinnaanera pillugu danskit naalackersuinikkut suliaqartut attuumassutillit suleqatigineqartut aningaasaliisoqarnissaanullu ammaassisoqarnissaa kissaatigineqartoq.

Jørgen W. Johansenip oqaatigaa Killavaat alannguanni pilersaarut unittoorsimarpasittoq, sulinerup aallartinnissaa kommunip soqutigaa. Iltersuutit suliffeqarfimmut nassiunneqartut assilineri perusunnarput.

Randi V. Evaldsen tamatumunnga akivoq aporfeqarmat ingerlariaqqittoqarsimanngitsaq, ilaatigut ingerlatseqatigiiffimmit Breck Brandt-imit uppersaatit amigaatigineqarput. Allaffeqarfik Breck Brandtimik suleqateqaqquneqarsimavoq. Ingerlatseqatigiiffimmit Nuummiitoqaraangat naalackersuisoqarfik attavigineqartuartarpoq oqaatigineqareersutullu uppersaatissaqanngippat susinnaanngikkallarlutik. Naalackersuisoqarfimmini misissorniarpaa kommunilu attavigalugu.

Asii C. Narp imm. 4.5.-imut. tallimat immersorneqarsimanngillat, eqqumiiginartorujussuuvoq. Martha Abelsen tamatumunnga akivoq tamanna iluaqutaaginnartoq, maannakkornit malinnaajuminarnerussammat ataatsimut ingerlatanut tunngatillugu, allattorsimaffik ingerlaavartumik immersorneqartassaaq, Namminersorlutik Oqartussat kommunit isumasioqatigalugit immersuisassapput taakkulu nittartakkamut ilineqartassallutik kommunit malinnaasinnaanngorlugit.

Immikkoortoq 4.6 pillugu Jørgen W. Johansenip kissaatigaa angallannermut tunngasuni kiffartuunneqarnissamik isumaqatigiissutit pillugit pilersaarutit killiffiullu tusarneqarnissaat, taakku pillugit ilisimatitsisoqarnissaa kissaatiginarpoq. Tamatuma saniatigut Kommune Kujallermi innuttaasut atsiortinneqarsimanerat tunniunneqarpoq. n

Kiffartuunneqarnissamik isumaqatigiissutit pillugit immikkoortoq Knud Kristiansenip saqqummiuppa, innuttaasunut akisusimanera erseqqippoq. Inatsisartut 121 mio. kr.-inik killiliussisimapput. Tamanna pillugu naalackersuisoqarfimmit allakkiamik agguasooqarpoq. Qanittukut aaqqiissuteqartoqarnissaa kissaatigineqarpoq. Aamma innuttaasunut suna pitsaanerpaanersoq aperisoqarsinnaavoq. Innuttaasut ernummataat apequtaallu misissorpavut.

Jørgen W. Johansen aamma isumaqarpoq suna pingaernerpaanersoq isiginiarneqartariaqartoq. Kommunit tusarneqarnissaat kommunillu oqaatigisaasa malinneqarnissaat kissaatigineqarpoq, inassuteqaativut malinneqarsimanngimmata. Pakatsinarpoq. Aningaasat taakku kommuninut tunniunneqarsinnaappata kommunillu namminneq kiffartuunneqarnissamik isumaqatigiissusiorlutik taakkulu kingunerinik namminneq akisussaaffiginnillutik. Kommuninut oqaatigineqartut tusaaniarneqanngillat, pakatsinarpoq. Akit qaffariarujussuarsimapput. Ataqtigiittoqanngilaq. Kommunit aallaqqaataaniilli ilanngunneqarsimasariaqaraluarput. Kujataani innuttaasut aqqissuussinnermut tassunga akerliunerat tupinnanngilaq.

Kim Kielsen aamma Knud Kristiansen aqqiissutissamik nassaarusunnerarput. Inatsisartut killiliussassanik aningaasanillu aalajangersaasimapput. Ilassutitut isumaqatigiissuteqarnissamut periarfissaqarpoq. Aaqiissutissatut suut siunnersuutigineqassanersut paasinarsissaaq. Ukioq qaangiutsinnagu aaqiissutissarsisoqartariaqarpoq.

Marmoralik aallarteqqinneqartussatut eqqartorneqarsimasoq pillugu amerlanerusunik ataatsimiinnissaq paasissutissiisoqarnissaalu Ole Dorph-ip kissaatigaa. Kommune aallaqqaataaniilli sulinnermut peqataarusuppoq. Suliassaqarfimmu Naalackersuisoq paasissutissaqarpat kommuninut tunniusseqqullugu kaammattorneqarpoq.

KANUKOKA-p ullumikkut qanoq inissisimanagera Simon Simonsenip paaserusuppaa. KANUKOKA suli isumaqatigiinniarsinnaatitaava, ass. Sermersuup Peqqissutsimut Naalackersuisoqarfimmik isumaqatigiissutaanik.

Siusinnerusukkut nalunaarutigineqarsimasoq kommunillu suli assigiimmik pineqartussaasut Kim Kielsen tamatumunnga akivoq. Kommunit ataqtigiikkunnaarnerat uggorparpoq.

Ulloq unnuarlupaaqqinniffiit il.il. pillugit kommunit sisamaasut oqaloqatigiittarnerat Asii C. Narupip maqaasivaa.

Sulinitta allannguuteqarneranut atatillugu ingerlanera ilumoortoq Martha Lund Olsen akivoq, kommunini aqutsisoqatigiit sulinerat inissinneqarpoq, iluarterujussuuvoq, kommunini sulisut sulinnermini atorpaat ineriartortitsinermilli sulineq unittuulaarsimavoq. Folketingip ammaanersiornerani statsministerip tamanna eqqaavaa. Aaqiissutissarsiortoqarpoq.

Jørgen W. Johansenip aalisagaqatigiit pisassiissutillu apeqqutigai, taakkunungalu malittarisassiortut killiliussat naluaat. Aalisarneqarsinnaanersut tulaassisussaatitaasoqarnersorlu apeqqutigineqarpoq, killiliussalli kukkusumik inissinneqaraangata taakku akornuserneqartarput. Allatut iliortoqarsinnaanngila?

Pissutsit ullumikkut taamaannerat paasinartoq iliuseqarfigineqarsinnaasorlu Nikolaj Jeremiassen tamatumunnga akivoq. Soorunami pisassiissutit naleqqussarneqarsinnaapput. Equngasoqaraangat sakkortuumik tuttarpoq. Misissorneqarsinnaavoq ingerlaannarli aqqinnissaa neriorsuutigissanngilarput, aalisarneq pillugu siunnersuisoqatigiit aamma akuliunneqassapput. Naalackersuisup tamanna tusaatissatut tiguaa.

Ukiumut sisamariartoqartarsinnaanera Kim Kielsenip siunnersuutigaa. Ataatsimiinnissat sioqqullugit suut oqaluuserineqarusunneri aalajangersarneqassapput, ataatsimiinnermi sammisassat aqqissuullugit, immaq Naalackersuisuni suliassaqarfiiit marluk sammisaqarlutik. Ukiup ingerlanerani suliassaqarfiiit tamaasa anguneqarsinnaapput. Naalackersuinikkut ingerlanneqarnerunissaa kissaatiginarpoq. Ilisimatitsissutit tamakku tamarmik pisariaqanngillat, naalackersuinikkulli imaqarnerusariaqarput. Sammisaaq siulleq tassaasinnaavoq AIS2017, maani ukiaanerani ataatsimiinnermi akuerineqartoq sanaartornermullu aningaasaliissutit. Taakku piareersarneqarput.

Naalackersuinikkut Ataqtigiissaarisooqatigiit tulliani ataatsimiinnissaq aalajangiutinngilaat, immaq februaarimi illoqarfimmi/nunaqarfimmi allami.

Naavoq nal. 17:55